



Broj: 16-12-16-7928-~~10~~ /20
I. Sarajevo, ~~15.07~~ 2021. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), člana 9. stav (2) Pravilnika o uslovima i načinu korištenja e-aukcije („Službeni glasnik BiH“, broj 66/16) i Izvještaja o toku i završetku e-aukcije od 18.01.2021. godine, na preporuku Komisije II za provođenje postupka nabavke za potrebe Državne agencije za istrage i zaštitu u 2020. godini broj 16-12-16-7928/20 od 21.01.2021. godine, u otvorenom postupku javne nabavke usluga fiksne telefonije za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u postupku javne nabavke usluga
fiksne telefonije za potrebe Državne agencije za istrage i zaštitu
za LOT 1, LOT 2, LOT 3 i LOT 5

Član 1.

U postupku javne nabavke usluga fiksne telefonije za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, korištenjem e-aukcije, na preporuku Komisije II za provođenje postupka nabavke za potrebe Državne agencije za istrage i zaštitu u 2020. godini broj 16-12-16-7928/20 godine (u daljem tekstu: Komisija), okvirni sporazum za period od tri godine, dodijeljuje se za:

- LOT 1 - Nabavka usluge fiksne telefonije u sjedištu Agencije u Istočnom Sarajevu, ponuđaču „MTEL“ a.d. Banja Luka, ponuda broj 16-12-16-7928-6/20 od 30.12.2020. godine, za ponudenu cijenu u iznosu od 110.473,20 KM bez uračunatog PDV-a;

- LOT 2 - Nabavka usluge fiksne telefonije van sjedišta Agencije u Istočnom Sarajevu, ponuđaču „MTEL“ a.d. Banja Luka, ponuda broj 16-12-16-7928-6/20 od 30.12.2020. godine, za ponudenu cijenu u iznosu od 11.880,00 KM bez uračunatog PDV-a;

- LOT 3 - Nabavka usluge fiksne telefonije u Regionalnoj kancelariji Banja Luka, ponuđaču „BLICNET“ d.o.o. Banja Luka, ponuda broj 16-12-16-7928-5/20 od 30.12.2020. godine, za ponudenu cijenu u iznosu od 16.416,00 KM bez uračunatog PDV-a;

- LOT 5 - Nabavka usluge fiksne telefonije u Regionalnoj kancelariji Mostar, ponuđaču „BH TELECOM“ d.d. Sarajevo, ponuda broj 16-12-16-7928-7/20 od 30.12.2020. godine, za ponudenu cijenu u iznosu od 16.420,68 KM bez uračunatog PDV-a.

Član 2.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 3.

Za izvršenje ove odluke zadužuje se Sektor za materijalno-finansijske poslove Agencije.

Član 4.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-11-16-7928-1/20 od 09.12.2020. godine, pokrenut je postupak javne nabavke usluga fiksne telefonije za potrebe Agencije, procijenjene vrijednosti 160.000,00 KM bez uračunatog PDV-a, za koji je obavještenje o javnoj nabavci broj 1161-1-2-269-3-49/20 od 10.12.2020. godine objavljeno na Portalu javnih nabavki i u „Službenom glasniku BiH“, broj 82/20. Novčana sredstva za realizaciju navedene nabavke obezbijedena su u okviru budžetskih sredstava za 2020. godinu, na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2020. godinu („Službeni glasnik BiH“, broj 46/20) i Dokumenta okvirnog budžeta 2021.-2023. godina. Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Predmet javne nabavke podijeljen na lotove.

- LOT 1 - Nabavka usluge fiksne telefonije u sjedištu Agencije u Istočnom Sarajevu, procijenjene vrijednosti u iznosu od 100.000,00 KM bez uračunatog PDV-a;

- LOT 2 - Nabavka usluge fiksne telefonije van sjedišta Agencije u Istočnom Sarajevu, procijenjene vrijednosti u iznosu od 15.000,00 KM bez uračunatog PDV-a;

- LOT 3 - Nabavka usluge fiksne telefonije u Regionalnoj kancelariji Banja Luka, procijenjene vrijednosti u iznosu od 15.000,00 KM bez uračunatog PDV-a;

- LOT 4 - Nabavka usluge fiksne telefonije u Regionalnoj kancelariji Tuzla, procijenjene vrijednosti u iznosu od 15.000,00 KM bez uračunatog PDV-a;

- LOT 5 - Nabavka usluge fiksne telefonije u Regionalnoj kancelariji Mostar, procijenjene vrijednosti u iznosu od 15.000,00 KM bez uračunatog PDV-a.

Obzirom da je tačkom 24. Tenderske dokumentacije navedeno da je rok za dostavljanje ponuda 30.12.2020. godine do 12,00 sati, te da se ponude dostavljaju u zatvorenoj koverti, Komisija je dana 30.12.2020. godine u 13,00 sati izvršila javno otvaranje ponuda prema datumu i vremenu prijema. Javnom otvaranju prisustvovao je ovlaštenu predstavnik ponuđača „MTEL“ a.d. Banja Luka.

Blagovremeno su dostavljene ukupno četiri ponude i to:

R/B	Naziv/ime ponuđača	LOT	Ponuđena cijena (bez PDV-a) u KM
1.	„ELTA-KABEL“ d.o.o. Doboj	LOT 1	120.960,00 KM
		LOT 2	12.384,00 KM
2.	„BLICNET“ d.o.o. Banja Luka	LOT 3	16.416,00 KM
3.	„MTEL“ a.d. Banja Luka	LOT 1	110.473,20 KM
		LOT 2	11.880,00 KM
		LOT 3	26.305,20 KM
4.	„BH TELECOM“ d.d. Sarajevo	LOT 4	27.463,32 KM
		LOT 5	16.420,68 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima i postupak je dalje nastavila u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači „ELTA-KABEL“ d.o.o. Doboj (LOT 1 i LOT 2), „BLICNET“ d.o.o. Banja Luka (LOT 3) „MTEL“ a.d. Banja Luka (LOT 1, LOT 2 i LOT 3) i „BH TELECOM“ d.d. Sarajevo (LOT 5), ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Tenderske dokumentacije. Komisija je utvrdila da su ponuđači „ELTA-KABEL“ d.o.o. Doboj, „MTEL“ a.d. Banja Luka i „BLICNET“ d.o.o. Banja Luka dostavili dokaz o preferencijalnom tretmanu domaćeg, dok ponuđač „BH TELECOM“ d.d. Sarajevo za LOT 5 nije dostavio dokaz o preferencijalnom tretmanu domaćeg.

Komisija je od Sektora za operativnu podršku Odsjeka za informatiku, komunikacije i sigurnost informatičkih sistema aktom broj 16-12-16-7928/20 od 05.01.2021. godine, tražila da na osnovu uvida u pristigle ponude ponuđača „ELTA-KABEL“ d.o.o. Doboj (LOT 1 i LOT 2), „BLICNET“ d.o.o. Banja Luka (LOT 3) „MTEL“ a.d. Banja Luka (LOT 1, LOT 2 i LOT 3) i „BH TELECOM“ d.d. Sarajevo (LOT 5), dostave stručno mišljenje u pogledu ocjene tehničkih uslova postavljenih u tački 9. Tenderske dokumentacije. Sektor za operativnu podršku Odsjek za informatiku, komunikacije i sigurnost informatičkih sistema aktom broj 16-10-16-7928/20 od 05.01.2020. godine, dostavio je stručno mišljenje, u kojem je navedeno da ponude navedenih ponuđača zadovoljavaju tehničke uslove propisane Tenderskom dokumentacijom.

Obzirom da je Tenderskom dokumentacijom za postupak javne nabavke fiksne telefonije za potrebe Agencije predviđeno provođenje e-aukcije u skladu sa Pravilnikom, da su za LOT 1 zaprimljene dvije prihvatljive ponude, da su za LOT 2 zaprimljene dvije prihvatljive ponude i da su za LOT 3 zaprimljene dvije prihvatljive ponude, Komisija je zakazala e-aukciju za dan 18.01.2021. godine i to za LOT 1 u 10,30 sati u trajanju od 20 minuta, za LOT 2 u 11,00 sati u trajanju od 20 minuta i LOT 3 u 11,30 sati u trajanju od 20 minuta.

Kako je za LOT 5 dostavljena jedna prihvatljiva ponuda, Komisija nije zakazivala e-aukciju u skladu sa članom 3. stav (3) Pravilnika, već je postupak javne nabavke za LOT 5 okončan u skladu sa članom 69. Zakona, primjenjujući kriterij najniže cijene iz tačke 21. Tenderske dokumentacije i sačinila rang listu ocijenjene ponude, kako slijedi:

R/B	Naziv ponuđača	LOT	Vrijednost ponude (bez PDV-a)
1.	„BH TELECOM“ d.d. Sarajevo	LOT 5	16.420,68 KM

Prema Izvještaju o toku i završetku e-aukcije od 18.01.2021. godine za LOT 1, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Vrijednost ponude (bez PDV-a)	Rang
1.	„MTEL“ a.d. Banja Luka	110.473,20 KM	1
2.	„ELTA-KABEL“ d.o.o. Doboj	120.960,00 KM	2

Prema Izvještaju o toku i završetku e-aukcije od 18.01.2021. godine za LOT 2, Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Vrijednost ponude (bez PDV-a)	Rang
1.	„MTEL“ a.d. Banja Luka	11.880,00 KM	1
2.	„ELTA-KABEL“ d.o.o. Doboj	12.384,00 KM	2

Prema Izvještaju o toku i završetku e-aukcije od 18.01.2021. godine za LOT 3 Komisija je sačinila konačnu rang listu ponuđača koji su učestvovali u postupku e-aukcije, kako slijedi:

R/B	Naziv ponuđača	Vrijednost ponude (bez PDV-a)	Rang
1.	„BLICNET“ d.o.o. Banja Luka	16.416,00 KM	1
2.	„MTEL“ a.d. Banja Luka	26.305,20 KM	2

Nakon provedenog postupka e-aukcije, shodno Izvještaju o toku i završetku e-aukcije od 18.01.2021. godine, Komisija je utvrdila da za LOT 1, LOT 2 i LOT 3 nije bilo snižavanje cijena ponuda kao kriterij za dodijelu ugovora u rasponu od 0,1% do 10% najniže početne cijene svih ponuda u skladu sa članom 8. Pravilnika.

Komisija je utvrdila da najpovoljnija ponuda ponuđača „MTEL“ a.d. Banja Luka za LOT 1 u iznosu od 110.473,20 KM bez uračunatog PDV-a premašuje procijenjenu vrijednost javne nabavke za 10.473,20 KM bez uračunatog PDV-a (procijenjena vrijednost 100.000,00 KM), da ponuda ponuđača „MTEL“ a.d. Banja Luka za LOT 3 u iznosu od 16.416,00 KM bez uračunatog PDV-a premašuje procijenjenu vrijednost javne nabavke za 1.416,00 KM bez uračunatog PDV-a (procijenjena vrijednost 15.000,00 KM) i da ponuda ponuđača „BH TELECOM“ d.d. Sarajevo za LOT 5 u iznosu od 16.420,68 KM bez uračunatog PDV-a premašuje procijenjenu vrijednost javne nabavke za 1.642,80 KM (procijenjena vrijednost 15.000,00 KM). Komisija je od Sektora za materijalno-finansijske poslove aktom broj 16-12-16-7928/20 od 18.01.2021. godine tražila mišljenje po pitanju prekoračenja procijenjene vrijednosti javne nabavke za LOT 1, LOT 3 i LOT 5. Sektor za materijalno-finansijske poslove aktom od 19.01.2021. godine, dostavio je mišljenje u kojem je navedeno da su u obrascu za cijenu ponude iskazane procijenjene, a ne stvarne količine odnosno obim usluge i da se navedena procjena odnosi na period od tri godine. Takođe je navedeno da iskazana prekoračenja na godišnjem nivou nisu značajna i da će u naredne tri godine biti raspoloživa budžetska sredstva, te da se sa finansijskog aspekta dostavljene ponude mogu prihvatiti.

Prihvatajući stručna mišljenja Sektora za operativnu podršku i Sektora za materijalno-finansijske poslove, Komisija je utvrdila da je ponuda ponuđača „MTEL“ a.d. Banja Luka ocijenjena kao najpovoljnija ponuda za LOT 1 i LOT 2, da je ponuda ponuđača „BLICNET“ d.o.o. Banja Luka ocijenjena kao najpovoljnija ponuda za LOT 3, da iste podliježu primjeni preferencijalnog tretmana domaćeg i da je ponuda ponuđača „BH TELECOM“ d.d. Sarajevo ocijenjena kao najpovoljnija ponuda za LOT 5, te da ista ne podliježe primjeni preferencijalnog tretmana domaćeg.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum na period od tri godine u postupku javne nabavke usluge fiksne telefonije za potrebe Agencije za LOT 1, LOT 2, LOT 3 i LOT 5 dodijeli ponuđačima, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE



Darko Čulum